

In manu.

fronte mihi occurrere. Primum itaque in interna sede secundi pollicis articuli, quo primum ipsius os secundo articulat, duo reponuntur ossicula utrunque rotunda, & solida, & non multum ab orizae seminis forma difcedentia. sunt enim paulo quam semen ipsum breuiora. utrum, ut orizae semen una parte depressum uisitur, sic & horum ossiculorum pars depressa, modo dicebamus cauata, & cartilaginea ea parte incrustata est, qua primo pollicis ossi ambo committuntur. Incumbunt enim primi ossis capitis internae sedi ad ipsius capitis radicem, & ubi id primum cartilagine obduci laeuigariq; incipit, ac unum ossiculum latus externum interioris sedis capitis, alterum uero internum latus eiusdem sedis occupat: & utraque per illorum, quo inuicem dirimuntur interuallum tendinem ferri sinunt, tertium pollicis os flectentem. Quum uero haec ossicula illi pollicis ossi ualide colliguntur, externa parte gibba sunt, & ossium sedem referunt quae ligamenta educit, tendinumq; insertionem excipit. Ad hunc sane modum, in primis reliquorum digitorum internodijs duo quoque ossicula reperiuntur, eodem situ posita, tantoq; pollicis ossiculis minora, quanto ad paruum digitum propius accesseris. Illius enim primo articulo, aut potius capiti postbrachialis ossis paruum sustentis minima & quodammodo cartilaginea adnectuntur ossicula. Reliqui autem digiti medio se habent modo. Praeterea in senibus & ossis (ut sic dicam) hominibus unicum ossiculum aliquando in interna sede tertij pollicis articuli positi animaduerti, quod sinui capiti secundi ossis dirimenti, in interna sede praeponebatur. Huiusmodi etiam ossiculum nonnunquam in singulis digitorum secundis & tertijs internodijs mihi occurrit, sed adeo exiguum ut uix mihi seminis magnitudine aequet, adeo ut nisi in repurgandis ossibus accuratissime caueris, id (quemadmodum etiam a primis articulis) una cum ligamenti abijciatur, neque unquam se spectandum offerat. Huius etiam generis ossiculum notata dignae magnitudinis illic plerumque obseruatur, ubi postbrachialis os paruum digitum sufficiens, octauo brachialis ossi articulat, atque ita manus extremas ossicula se habent. In pede autem unum similiter inuenimus, ubi pedij os paruum digitum sustentis tesseram imitanti ossi coarctatur, illi prorsus respondens, quod postremo loco in manu recensui. In primis uero pedis digitorum articulis huiusmodi ossicula diffculter, praeterquam in pollice obseruantur. in senibus tamen, quod maiuscula sint, promptius se offerunt. In secundis autem & tertijs articulis, illa nunquam inueni, praeterquam in secundo pollicis internodio, cui grande satis ossiculum subijciunt. Quamquam quae primo pollicis internodio subijciuntur, multo insigniora ossicula sint, & horum rursus internu externo longe grandius. Hec quae capiti pedij ossis (quod pollicis primi ossis sinum subire dicemus) committuntur, leuiter sinuata sunt, & cartilagine incrustata, illius capitis gibbo pulchre conueniunt. Inferiori autem sede, qua terram spectant, orbiculata sunt, & dimidia parti emundatae pisae non absumilia. Haec profecto longe sunt solidissima, & praeterquam quod primo pollicis praeficiuntur articulo, tendinem muniunt, quo secundum pollicis os flectitur. Ipsa enim utrinque ad tendinis latus protuberantia, quo minus a pedis in terram innixu tendo comprimatur, eleganter praecauent. Atque alterum horum ossiculorum illud est, cuius magi & occultae philosophiae sectatores adeo prolixè meminerunt, quando in homine os quoddam esse tradunt ciceris imagini respondens, nulliq; corruptioni obnoxium, quod in terra post mortem reconditum instar seminis hominem in extremi iudicii die producturum affirmant. Est sane utrunque os, sed potissimum exterius, mundato ciceri perquam simile, si modò id ad mediam ciceris partem referas: aut si utrunque os iunxeris, integrum cicer effeceris, quantum scilicet ad imaginem spectat. Dein in grandioribus hominibus internum id ossiculum etiam tantum est, ut tesseræ ex ipso promptè pareatur. In hoc tamen ab Arabum illorum commentis ossicula haec differunt, quod aliorum ossium modo frangantur, exuranturq;: quamquam sane corruptioni admodum reluctantia, ac ut prius dictum est, solida sint. Dogma autem, quo ex eiusmodi ossiculo hominem, cuius nunc immensam narramus fabricam, propagandum contendunt, Theologis disceptandum celinquemus, qui sibi solis liberam de resurrectione animarumq; immortalitate altercationem & sententiam uendicant. Atque illorum etiam causa nunc de mirabilibus occultisq; dextri pollicis interni ossiculi uiribus nihil subijciemus, quantum uis etiam suspensi furis, ac interdum simul amatoris, uel ex publicis sectionibus eius ossis melior nobis suppetat copia, quam illis tribus apud Venetos truculentissimis scortis, quae nuper huius ossiculi, cordisq; pueruli uirginis masculi, comparandi gratia, infantem trucidauerunt, uiuocq; cor exemerunt, ac (utierant dignissima) flagitij sui grauissimas poenas dederunt. Porro ossiculum id Arabibus ac uerè occultis tenebricosisq; illis philosophis, Albadaran nuncupatum esse, superstitiosis quibusdam uiris notius, quam Anatomis studiosis, est: qui & quantum brachialis os ciceri assimulare possent.

Ossiculi magis ac occultae philosophiae sectatoribus familiare.

Albadaran.

DE HUMANI CORPORIS FABRICA LIBER I.  
DE OSSIBVS, QVAE OSSIS SACRI  
lateribus committuntur. Caput XXIX.

PRIMA VIGESIMI- SECUNDA- TERTIA  
NONI CAP. FIGURA.



TRIVM PRAESENTIVM FIGVRARVM ET EARVNDEM CHARACTERVM (qui pro Capitis contextus serie mutuo se consequuntur) Index.

HI S tribus figuris os delineatur, dextro sacri ossis lateri commissum, ac prima quidem eius ossis anteriorem sedem eo situ exprimit, quo id in seculo ab anteriori regione inspecto se ferret, quemadmodum in prima figura trium illarum est cernere, quas huius libri calci subijciunt. Secunda figura huius ossis sedem undecumq; exprimit, quae externa est, corporisq; interiora non spectat, eo nimirum situ quo id os integram ossium compagem ex dextro latere intuenti occurreret. Tertia autem figura opposito situ internam huius ossis sedem appositissime ostendit. Caput enim omnes harum figurarum notae priuatim aliquid, ut mox persequar, indicent, ipsi tamen obiter integrum quod hic delineatur os, in ilium os, & coxendicis, pubisq; subindicare libet. Ut scilicet in secunda figura a c, per b, ad S: ac rursus in tertia, ab S, per N, ad c linea ducifingeres, ilium os a coxendicis offe quodammodo terminantem. Quicquid enim supra habetur characteres, ilium os nuncupabitur. Quod autem inter hos characteres, & in secunda figura inter V, per s, & h, ad P: & in tertia inter V, per O, & s, ad P intercluditur, coxendicis ossis loco nobis erit. Reliqua uero totius ossis sedes, pubis os appellabitur: quae scilicet in secunda figura ad sinistram latus characterum V, s, h, & P consistit. In tertia autem ad dextrum V, O, s, & P.

A, B, C, D, E, F, G in 3 Sedes ilium ossis notatur, quae sacri ossis transversis neclitur processibus ac A quidem, & B priuatim indicant sinus, quos anterior trium superiorum ossis sacri ossis transversorum processuum protuberans pars subit. Et B rursus ossis ilium partem indicat, star cultri acutam teniemq; C & C oblongum tuber ilium ossis, sacri ossis processum oblongum sinui congruens. D & D longus ilium ossis sinus, qui sacri ossis tuber dorsi spinæ modo protuberans admittit. E & F & G sedes ilium ossis, non ad amussim sacri ossis sinibus tuberibus respondens, quam E & F duo ueluti tuber indicentur, sinus sacri ossis obscurè ingrediti G autem sinus notatur, qui ossis sacri tuber admitteret, transversum duos illos sacri ossis sinus

L 4 int